

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PENGUMUMAN HARGA MAKSIMUM SKIM HARGA MAKSIMUM MUSIM PERAYAAN PESTA KAAMATAN DAN HARI GAWAI TAHUN 2022

SONG, SARAWAK, 21 Mei 2022 – Kementerian Perdagangan Dalam Negeri dan Hal Ehwal Pengguna (KPDNHEP) terus komited untuk memastikan **Keluarga Malaysia** sentiasa dilindungi dan tidak terbeban dengan peningkatan kos sara hidup (COL) terutamanya sepanjang musim perayaan yang bakal disambut oleh **Keluarga Malaysia**.

2. **Keluarga Malaysia** di negeri Sabah dan Sarawak akan menyambut perayaan **Pesta Kaamatan** dan **Hari Gawai** pada 30 Mei 2022 dan 1 Jun 2022 hadapan. Justeru itu, permintaan ke atas barangan tertentu dijangka akan meningkat sepanjang musim perayaan **Pesta Kaamatan** dan **Hari Gawai** tersebut.

3. Sebagai langkah untuk menstabilkan harga barangan dan memastikan keberadaan bekalan tertentu di pasaran sepanjang musim perayaan tersebut, Kementerian akan melaksanakan **Skim Harga Maksimum Musim Perayaan (SHMMP) Pesta Kaamatan 2022** yang akan dilaksanakan bermula 27 Mei 2022 sehingga 2 Jun 2022 iaitu tiga (3) hari sebelum perayaan, satu (1) hari semasa perayaan dan tiga (3) hari selepas perayaan.

4. Manakala **Skim Harga Maksimum Musim Perayaan (SHMMP) Hari**

Gawai 2022 pula akan dilaksanakan bermula 29 Mei 2022 sehingga 4 Jun 2022 iaitu tiga (3) hari sebelum perayaan, satu (1) hari semasa perayaan dan tiga (3) hari selepas perayaan.

5. Sebanyak lapan (8) jenis barangan akan dikawal bagi pelaksanaan **SHMMP Pesta Kaamatan** dan lapan (8) jenis barangan bagi pelaksanaan **SHMMP Hari Gawai**.

6. Senarai barangan harga terkawal bagi **SKIM HARGA MAKSIMUM PESTA KAAMATAN 2022** adalah seperti berikut:

- i. Kepak ayam
- ii. Cili kering
- iii. Daging kerbau import (India)
- iv. Bawang merah kecil (India)
- v. Bawang putih (China)
- vi. Babi hidup (****Harga maksimum di peringkat ladang sahaja***)
- vii. Daging babi (perut)
- viii. Daging babi (daging dan lemak)

7. Senarai barangan harga terkawal bagi **SKIM HARGA MAKSIMUM HARI GAWAI 2022** pula adalah seperti berikut:

- i. Ayam tua hidup
- ii. Kepak ayam
- iii. Bawang putih (China)
- iv. Kubis bulat import
- v. Cili kering

- vi. Babi hidup (****Harga maksimum di peringkat ladang sahaja***)
- vii. Daging babi (perut)
- viii. Daging babi (daging dan lemak)

8. Penentuan harga barangan bagi negeri-negeri yang terbabit dibuat mengikut kesesuaian harga pasaran semasa hasil dari pemantauan dan kutipan Bahagian Harga Barang Negara dan Bahagian Penguat Kuasa serta mengambil kira faktor terkini perubahan harga, khususnya bagi barangan import yang dipengaruhi harga di negara asal, perubahan kadar tukaran mata wang dan peningkatan kos utiliti penternak.

9. Pihak KPDNHEP telah menentukan harga maksimum di peringkat pengeluar, borong dan runcit berdasarkan kepada maklumat harga yang diperolehi daripada punca-punca berikut:

- (i) pemantauan harga di semua daerah di seluruh negara dari tahun 2021 dan sehingga Mei 2022;
- (ii) pandangan agensi Kerajaan seperti Jabatan Perkhidmatan Veterinar (JPV), Jabatan Pertanian Malaysia (DOA) dan Lembaga Pemasaran Pertanian Persekutuan (FAMA) ; dan
- (iii) sesi libat urus dengan pengeluar, pengimport, pembekal dan pemborong barangan tersebut.

7. Anggota Penguatkuasa KPDNHEP akan sentiasa berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk menjalankan pemeriksaan dan

pemantauan bagi memastikan pematuhan yang tinggi oleh peniaga ke atas pelaksanaan harga maksimum ini.

8. Pihak Kementerian ingin terus mengingatkan peniaga bahawa **tindakan tegas akan diambil sekiranya gagal mematuhi peraturan-peraturan di bawah Skim ini**. Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**
 - (a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan
 - (b) **Syarikat;** boleh didenda sehingga RM500,000 atau dikompaun sehingga RM250,000;
- (ii) **kesalahan gagal meletakkan tanda harga berwarna merah jambu** bagi barangan harga terkawal:
 - (a) **individu;** boleh didenda oleh mahkamah sehingga RM10,000 atau dikompaun sehingga RM5,000; dan
 - (b) **syarikat;** boleh didenda sehingga RM20,000 atau dikompaun sehingga RM10,000.

9. Sekiranya pengguna mempunyai sebarang maklumat berkenaan salah laku peniaga berhubung perkara ini boleh melaporkan kepada pihak KPDNHEP berserta maklumat yang lengkap melalui saluran berikut:

- i. WhatsApp 019-279 4317 / 019-848 8000
- ii. Portal Aduan; e-aduan.kpdnhep.gov.my
- ii. Call Centre 1-800-886-800
- iii. Emel e-aduan@kpdnhep.gov.my
- iv. Ez ADU KPDNHEP
- v. Pusat Arahan Penguatkuasaan (ECC)
03-8882 6088/6245

YB Dato Sri Alexander Nanta Linggi

Menteri Perdagangan Dalam Negeri dan Hal Ehwal Pengguna

SONG, 21 Mei 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

